

東里文集卷之十二

楊文貞公士奇著

神道碑

故推誠輔運宣忠效力武臣柱國後軍都督府左都督西寧侯宋公神道碑銘

永樂五年七月某日推誠輔運宣忠效力武臣柱國後軍都督府左都督西寧侯宋公終于肅州訃聞

天子悼歎遣官賜祭勅有司給傳還其喪明年

夏至京師葬聚寶門外其考之塋之次公諱晟
洪武中所賜名其字景暘宋世家鳳陽之定遠
元季我

太祖皇帝龍興歲壬辰公隨父朝用兄國興來
歸明年從克濠州又從戰敗賈魯父兄並以功
授萬戶甲午從張天祐克五河泗州盱眙又並
進總管乙未從

上克和州渡江下采石太平總管邵榮等潛有
異謀國興察知以聞榮等伏誅從克溧陽進攻

南臺國興戰沒命公襲兄職丙申從攻陳也先
水寨克之遂從克南臺公父陞廣德元帥丁酉
隨廣德公克宣州還改廣德公天寧翼元帥以
老留建康公從鄧愈克徽州受功賞戊戌召入
侍衛己亥襲天寧翼元帥庚子調征饒州及江
西諸郡以次平賜襲衣文綺命充統兵官平諸
山寨洪武元年克建寧遂留守禦新定官制實
授武德將軍建寧衛正千戶四年陞懷遠將軍
建寧都指揮使司都指揮同知冬召還陞江西

都指揮使九年調大同授龍虎將軍十一年調陝西所至治兵撫民不嚴而肅十二年掌涼州衛十三年逐北虜至白城獲其人馬甚衆十五年父病詔公還侍又三年父沒旣襄事復填涼州虜時數爲邊患公率兵討之追至亦集乃之地斬其兇渠也速兒監等及其衆無算餘悉生繫送京師又招降虜僞國公吳把都等萬八千人而送其酋長工不荅兒等百五十人詣京師簡其壯者傳卒伍餘悉處之善地俾耕牧自便

驛召公還京獎諭冉四賜賚甚厚復填涼州十
九年召還陞驃騎將軍右軍都督府都督僉事
賜鈔文綺以其官贈其三代仍填涼州廿三年
夏遣中使就賜白金及鈔至秋復三遣賜鈔文
綺授制諭充總兵官征哈密里破之哈密者去
肅州千餘里虜所城也誅其僞王子別列怯等
三十餘人獲虜衆千三百人及金印一銀印二
悉送京師所獲牛馬羊咸給將士二十五年復
充總兵官征罕東西番叛寇誅擒七千五百餘

人獲馬二千五百牛羊十萬遂還京師二十七
年調中軍都督府是歲虜寇遼東命充副總兵
率兵討之遇戰腦溫江獲虜衆千餘馬倍之明
年廣西幟幪諸寨連結爲亂命充右副總兵往
征之誅擒七千餘人賊平還京又明年總羽林
八衛兵往平五開龍里十三洞之寇三十一年
率師城萬全諸衛歸二年出填甘肅

太宗皇帝初臨御公朝京師陞後軍都督府左
都督永樂元年授平羌將軍充總兵官仍填甘

肅三年虜日益聚近邊公遣人諭以朝廷德
意其酋長把都帖木兒倫薦兒灰率部衆五千
馬駝萬六千來歸邊境底寧事聞賜勅獎諭
命都督徐膺緒尚書趙玃持節卽軍中封西寧
侯賜推誠輔運宣忠效力武臣柱國仍後軍都
督府左都督食祿千一百石加賜田若干頃又
二年以疾終享年若干公曾祖某贈某官妣某
氏贈某官夫人祖一公及考皆再贈某官妣某
氏朱氏妣陳氏皆再贈某官夫人公之配下代三

氏皆封西寧侯夫人子男幾某某瑄府軍台
指揮使先公卒琥駙馬都尉尚安成公主瑛
馬都尉尚咸寧公主永樂中琥襲西寧侯

仁宗皇帝嗣位琥坐事改命瑛襲西寧侯孫
幾某某傑金吾左衛指揮使偉羽林左衛指揮
同知俊天策衛指揮僉事儼旗手衛正千戶佐
龍驤衛正千戶嗚呼公勲著 國家貴聯戚

慶澤被于後嗣名聲施于無窮固本於際遇

聖明千載之幸會亦必其忠義之行閔遠之材

克勤始終有以迓承之矣故旣述其事於碑又
系之銘曰

天建

皇明龍興淮土魁智傑能如雲從附定遠密比
猶漢沛豐父兄偕來有偉宋公義旗所嚮仗劒
先驅神武不殺迎降懽呼長江飛渡金陵定鼎
分命股肱出綏四境于宣于欵于番于閩公從
總戎聲威日振甌寧旣靖公留奠之進奠藩垣
大江之西雲中在左分陝在右公來填撫煌煌

旌榮虜窺西陲公徃遏之斬繫其渠招懷其餘
繫胡遼陽薙孽嶺表如燎滅枯如鐵摧朽馬跡
所歷幾周四遐桓桓之志無康于家

文皇臨御親任舊老自西來朝蒼顏白首

天子曰嘻卿宜在廷紓予西顧孰乎愈卿公曰
臣職及臣未衰西人忻忻迓公復來鞠躬盡瘁
遑敢怠寧邊人恃公屹然長城宣

上德恩洽于遐外耄倪畢歸如川赴海

天子曰嘻維時茂勲崇爵豐祿予慰乃勤維公

遭際寔多父兄偉績賢稱晚而益閔存沒榮哀
歸從先兆來世莫京繇公所肇墓道有石其崇
九尺太史述銘永耀無極

故懷遠將軍成都右衛指揮同知贈平江
伯陳公神道碑銘

公諱聞字伯益姓陳氏其先潁川人公之祖諱
三省徙廬州合肥遂爲合肥人考諱重一考以
上三世皆不仕當元之季四方寇亂蠡起公素
有志操強膂力善騎射遂倡義募勇保障其鄉

太祖皇帝龍興歲乙未渡江公知天命有在率衆來歸從王師下江東郡縣授帳前右元帥府總管進取宣歙衢婺隸大將軍麾下征陳友諒大戰鄱陽友諒死從定漢沔荆襄諸郡從征張士誠及方國珍浙東西次第平公臨陣對敵神閒意定矢石交下而勇敢益奮間被傷累創復戰故所嚮有功實授管軍百戶進副千戶守荊州主帥以公勇毅有謀與兵五百人令守歸州時蜀未附而歸與夔重慶接壤日見侵敘公至

歸視其城隳弛且非可以用武乃擇地距城二
十里楚臺故址建千戶所治高城深隍繕兵甲
練士卒實倉廩悉足用蜀人以舟師來攻公預
清野待之而以老弱嬰城固守授之方略躬率
精銳伏緣江要害處敵薄城下守備堅不可攻
又野掠無所得歛而還舟伏兵突起斬馘不可
勝計敵大敗引去自是無一足犯境進武德將
軍正千戶在歸州八年民用晏然洪武九年調
德安千戶所治兵保民一如歸州十一年進武

節將軍遂陞明威將軍成都前衛指揮僉事討
龍馬槽梁諸寨之未附者悉下之王師征雲南
公率兵以從所嚮克捷繼討西番及烏撒散毛
諸峒之寇斬俘招徠威懷並施陞懷遠將軍成
都右衛指揮同知賜誥命功賞二十四年以老
疾致仕子瑄襲職公享祿養二十有餘年永樂
甲午九月疾作時瑄奉朝命在外公疾革顧
其孫儼等曰吾少遭兵亂幸際龍興之運致
有祿位以延被嗣人今老且死無所憾但念未

有以報 國恩爲我語汝父勉敬事朝廷務忠
爲孝卽吾死瞑目矣言旣而卒是月己丑日也
享年八十有三以瑄貴 制贈公之祖若考及
公皆爲平江伯祖妣孫妣朱及公之配皆爲夫
人公配初太原王氏繼同安王氏望江縣尹思
齊之女淑慎有儀克配君子前公二十年卒子
男二長瑄自指揮同知累官都督僉事
太宗皇帝靖內難有翼戴功封奉天翊運宣力
武臣特進榮祿大夫柱國平江伯竭謀致慮一

東里文集 卷之十二
心國事巖然於今老成人其有以成公之志矣
次瑤女一歸甘州後衛指揮同知李永孫男八
佐儼儀倫侃信俊傑女三長歸李方次歸江陰
衛指揮同知張英次未行曾孫男若干瑄以公
卒之歲十一月庚申奉葬合淝神龍鄉蜀山之
原先塋之次銘曰

有元失馭海內鼎沸天命

真人龍飛淮涖龍興雲從矧時邦鄰公趨來歸
弗謀弗詢西征東討以弔以伐公挺材武從國